

REGLUR

um heftibyssur.

Gildissvið.

1. gr.

Reglur þessar gilda um handstýrðar heftibyssur.

Skilgreiningar.

2. gr.

Í reglum þessum hafa eftirfarandi orð merkingu sem hér segir:

Heftibysa: Skotverkfæri sem skýtur inn hefti, nagla eða þess háttar hlutum með öðrum aflgjafa en sprengihleðslu.

Hámarksþyngd: Þyngd heftibyssu með fullu hleðsluhylki af þyngstu gerð ásamt endurkastshlíf eftir því sem við á.

Gerð heftibyssu.

3. gr.

Heftibysa skal hafa handstýrðan gikk. Gikkurinn skal vera þannig úr garði gerður að ekki verði hleypt af með honum í ógáti.

4. gr.

Heftibysa, sem er gerð til þess að skjóta hefti, nagla eða þ. h. hlutum sem eru þyngri en 0,3 grömm eða hlutum sem eru lengri en 25 mm, skal vera með öryggi við hlaupmynnið sbr. 5. gr.

5. gr.

Ekki skal vera hægt að skjóta úr heftibyssu nema þegar tekið hefur verið í gikk hennar samtímis og öryggi hennar hefur verið þrýst inn með ákveðnum lágmarksþrýstikrafti. Þessi þrýstikraftur á öryggið skal vera meiri en hámarksþyngd byssunnar x 1,25 og aldrei minni en hámarksþyngd hennar + 5 N (0,5 kp). Öryggið skal vera þannig úr garði gert að þrýstingu á annað en skotflötinn hafi ekki áhrif.

Ekki skal vera hægt að skjóta inn tveimur heftum, nöglum eða þ. h. hlutum hverjum á eftir öðrum nema að annað hvort öryggið eða gikkurinn hafi verið færður í hlutlausa stöðu á ný.

6. gr.

Þegar þörf krefur skal vera hægt að koma fyrir endurkastshlíf á heftibyssu til að verja notandann gegn því sem kann að kastast úr fleti sem skotið er í.

7. gr.

Handfang heftibyssu skal vera þannig úr garði gert að byssunni verði haldið á tryggan hátt þegar skotið er og ennfremur að óæskilegt álag á hendi sé sem minnst þegar unnið er með henni.

Ef háþrýst loft er leitt gegnum handfang byssunnar þá skal það einangrað til að koma í veg fyrir óþægindi sem fylgir köldu gegnumstreymi.

Notkun.

8. gr.

Auðskildar leiðbeiningar á íslensku um notkun, meðferð og viðhald skulu fylgja með heftibyssu frá framleiðanda eða innflytjanda.

Atvinnurekandi, eigandi, sá sem leigir út heftibyssu eða eftir atvikum leigutaki skal sjá til þess að starfsmenn, sem eiga að vinna með henni, hafi til þess fullnægjandi kunnáttu, þekki rétt vinnubrögð og þá slysaættu sem fylgir notkun hennar.

9. gr.

Sá einn hefur rétt til að nota heftibyssu sem orðinn er fullra 18 ára. Notkun heftibyssu, sem gerð er til þess að skjóta heftum, sem eru 0,3 grömm að þyngd eða léttari, er þó ekki háð þessum aldurstakmörkum (sbr. ennfreður 4. gr).

Nemar, sem orðnir eru fullra 16 ára, hafa rétt til að nota heftibyssu, þegar vinna með henni er liður í námi þeirra og fer fram undir handleiðslu sérstaks leiðbeinanda (t. d. kennara eða iðnmeistara).

10. gr.

Atvinnurekandi, eigandi, sá sem leigir út heftibyssu eða eftir atvikum leigutaki skal sjá til þess að eftirlit og viðhald hennar sé fullnægjandi og að starfsmanni, sem er falið það starf, séu veittar þær leiðbeiningar, áhöld og tími sem nauðsynlegur er.

11. gr.

Aðeins má nota í heftibyssu hefti og nagla sem eru ætluð fyrir og passa í byssuna og fyrir það verk sem framkvæma á með henni.

12. gr.

Velja skal heftibyssu og nota þær vinnuaðferðir sem henta best hverju sinni með tilliti til öryggis og hagkvæmni fyrir það verk sem vinna skal.

Heftibyssu má ekki miða eða beina að mönnum.

13. gr.

Við vinnu með heftibyssu skal nota nauðsynlegar persónuhlífar og hlífabúnað eftir því sem við á.

14. gr.

Þegar skotið er úr heftibyssu þá skal ef þörf krefur koma fyrir aðvörunarskiltum á hentugum stöðum til að draga úr slysaættu.

Reglur þessar, sem settar eru af stjórn Vinnueftirlits ríkisins samkvæmt heimild í 47. gr. laga nr. 46/1980 um aðbúnað, hollustuætti og öryggi á vinnustöðum, staðfestast hér með til að öðlast gildi þann 1. janúar 1987.

Félagsmálaráðuneytið, 5. desember 1985.

F.h.r.

Hallgrímur Dalberg.

Húnbogi Þorsteinsson.